

PL
2710
.S84
v.1








若聲

談塵卷

四

卷

無良



宜

言

聖

既

贊

金

碧館四

聲談卷

噉塵

葉舟



碧聲唵館談塵卷一

仁和許善長季仁甫纂

寶譜

癸亥春三月奉

命錄寶譜

善長

與楊子恂前

輩

仲愈

共襄厥事得以仰瞻國寶共二十五方

曰大清受命之寶

以章
皇序

曰皇帝奉天之寶

以章
奉若

曰大清嗣天子寶

以章
繼繩

曰皇帝之寶

以布
詔赦

曰皇

帝之寶

以肅
法駕

曰天子之寶

以祀
百神

曰皇帝尊親之

寶

以薦
徽號

曰皇帝親親之寶

以展
宗盟

曰皇帝行寶

以頒

錫

曰皇帝信寶

以徵
戎伍

曰天子行寶

以冊
外蠻

曰天子

信寶

以命殊方

曰敬天勤民之寶

以飭觀吏

曰制誥之寶

臣諭

曰敕命之寶

以鈐誥敕

曰垂訓之寶

以揚國憲

曰命

德之寶

以獎忠良

曰欽文之璽

以重文教

曰表章經史之

寶

以崇古訓

曰巡狩天下之寶

以從省方

曰討罪安民之

寶

以張征伐

曰制馭六師之寶

以整戎行

曰敕正萬邦之

寶

以誥外國

曰敕正萬民之寶

以誥四方

曰廣運之寶

以謹

封識敬錄

純廟序云

國朝受

天命采古制

為璽掌以內閣承收以宮殿監正襲以重盞承

以髹几設交泰殿中以次左右列當用則內閣

請而用之其質有玉有金有旃檀香木玉之品

有白有青有碧紐有交龍有盤龍有蹲龍其文
自太宗文皇帝以前專用國書既乃兼用古
篆其大小自方六寸至二寸一分不一嘗考大
清會典載御寶二十有九今交泰殿所貯三十
有九會典又云宮內收貯者六內庫收貯者二
十有三今則皆貯交泰殿數與地皆失實至謂
皇帝奉天之寶卽傳國璽兩郊大祀及聖節宮
中告天青詞用之此語尤誕謬大紀遵古禮用
祝版署名而不用寶聖節宮中未嘗有告天事
或道錄祝釐時一行之亦不過偶存其教耳未

嘗命文臣爲青詞亦未嘗用寶且此璽亦不經
蓋緣修會典諸臣無宿學卓識復未曾請 旨
取裁只沿明時內監所書冊檔承譌襲謬遂至
於此甚矣紀載之難也且會典所不載者復有
受命於天既壽永昌一璽不知何時附藏殿內
反置之正中按其詞雖類古所傳秦璽而篆法
拙俗非李斯蟲鳥之舊明甚獨玉質瑩潔如截
肪方得黍尺四寸四分厚得方之三以爲良玉
不易得則信矣若論寶無問非秦璽即真秦璽
亦何足貴乾隆三年高督何時奏進屬員濬寶

應河所得玉璽古澤可愛文與輟耕錄載蔡仲平本頗合朕謂此好事者仿刻所爲貯之別殿視爲玩好舊器而已夫秦璽煨燼古人論之詳矣即使尚存政斯之物何得與本朝傳寶同貯於義未當又雍正年故大學士高其位進未刻碧玉寶一文未刻則未成爲寶而與諸寶同貯亦未當朕嘗論之君人者在德不在寶寶雖重一器耳明等威徵信守與車旗章服何異德之不足則山河之險土宇之富拱手而授之他人未有徒恃此區區尺璧足以自固者誠能勤脩

令德繫屬人心則言傳號渙萬里奔走珍非和
璧制不龍螭篆不斯籀孰敢不敬信承奉尊爲
神明故寶器非寶寶於有德古有得前代符寶
君臣動色矜耀侈爲瑞貺者我太宗文皇帝
時獲蒙古所傳元帝國寶容而納之初不藉以
爲受命之符由今思之文皇帝之臣服函夏
垂統萬世在德耶在寶耶不待智者而知之矣
善夫唐梁肅之言曰鼎之輕重璽之去來視德
之高下位之安危然則人君承祖宗付畀思
以永膺斯寶引而勿替其非什襲固守之謂謂

夫日新厥德居安慮危凝受 皇天大寶命則
德足重寶而寶以愈重璽玉自古無定數今交
泰殿所貯歷年既久紀載失真且有重複者爰
加攷正排次定爲二十有五以符天數并著成
譜而叙其大指如此乾隆十一年丙寅春日御
製又云寶譜成於乾隆十一年丙寅越三年戊
辰始指授儒臣爲清文各體篆書因思向之國
寶官印漢文用篆書而清文則用本字者以國
書篆體未備也今既定爲篆法當施之寶印以
昭畫一按譜內青玉皇帝之寶本清字篆文傳

自太宗文皇帝時自是以上四寶均先代相仍傳爲世守者不敢輕易其檀香皇帝之寶以下二十一寶則朝儀綸綍所常用宜從新製因敕所司一律改鑄與漢篆文相配並紀之寶譜序後云乾隆十三年戊辰春日御製

織錦

酒令夥矣信手拈二題成一聯句藻思綺合不可思議所難在不類耳名曰織錦某科總裁以試卷未進無可消遣房考半通家俱令上堂小飲拈二題令屬句上爲妓女下爲茗帚句成呈

各總裁定甲乙某總裁欣然曰首卷在此矣衆
閱之云春深小院花無主風定閒階葉有聲細
意刻畫無可訾議一總裁曰妙則妙矣未能壓
卷我更有佳於此者云莫向東山戀絲竹願依
北斗掃欃槍氣象正大衆皆允服或云前爲汪
衡甫方伯本銓所作後爲潘木君制軍鐸所作
俱在樞垣直宿時所爲未知孰是又馬湘帆沅
有一聯亦當時傳誦者上爲魁星下爲承塵云
曾將彩筆干牛斗未許空梁落燕泥

王氏對聯

王安伯秀才素於西湖構別墅名小輞川莊爲
四時宴會之所廳事懸一聯云此地有崇山峻
嶺茂林修竹終日惟杜門蔬食經卷繩牀以摩
詰語對右軍的是王家故物不可移易

胡孟紳比部

孟紳比部癸未進士胡以莊學士長子季權姑
丈崇之胞兄居近里巷一日席間子雙家叔延

數以盆中白牡丹索賦援筆云一枝照遍滿堂
春碧盎移來迴絕塵歐傅文章工禁體鄴侯富
貴本山人雪兒歌裏翻偏豔雲母屏間望不真

若與水仙梅萼比也稱姻婭也芳鄰可稱敏妙

賈御史奏疏

同治甲子五月二十一日賈振之侍御

鐸

上一

疏直言敢諫中外欽服其詞曰敬抒愚忱仰祈

聖鑒事從來君心之敬肆關繫天下之安危

古聖王念茲在茲時懍非幾之貢弗畏入畏常

憂耽樂之從凡所爲好惡有必謹視聽有必嚴

者雖國家承平無事猶且兢兢業業無敢戲豫

而況其在多事時也伏查同治二年七月二十

二日奉 上諭本年十月釋服後除朝廷大典

均仍照常舉行外至萬壽聖節向有賞王公大臣聽戲筵宴著一併停止所有昇平署歲時照例供奉俟 山陵奉安候旨遵行其咸豐十年所傳之民籍人等永遠裁革欽此 臣恭讀之下仰見我 皇上孝思純篤崇實黜華之至意乃近日風聞內務府又有太監演戲將庫存進貢緞匹裁作戲衣每演一日賞費幾至千金竊思皇上自咸豐十年以來險阻艱難備嘗之矣旋以沖齡踐阼寅丕基全賴兩宮 皇太后勵精圖治勤求上理現值逆氛滋擾生靈塗炭之

時方將宵旰不遑何暇演戲爲樂

臣

再四籌維

或係內監人等信口誇耀任意妄談抑或內務府官員藉此逢迎爲侵漁肥己之計以致道路傳說紛紛不一恐傳之日久中外軍民舛望所

關匪淺請

旨密飭總管內務府大臣速行禁

止用以杜漸而防微並籲求兩宮

皇太后念

切時艱倍加惕勵庶朝政可期肅雖而外患不難蕩平則宗社幸甚天下幸甚旋奉

上諭朕

奉

慈安皇太后

慈禧皇太后懿旨據御史

賈鐸奏風聞內務府有太監演戲將庫存進貢

緞匹裁作戲衣每演一日賞費幾至千金請飭
總管內務府大臣速行禁止用以杜漸防微等
語上年七月因皇帝將次釋服 文宗顯皇帝
梓宮尚未永遠奉安曾特降諭旨將一切應行
慶典酌議停止所有昇平署歲時照例供奉俟
山陵奉安後候旨遵行並將咸豐十年所傳
之民籍人等永遠裁革原以皇帝沖齡踐阼必
宜絕戲渝之漸戒奢侈之萌乃本日據賈鐸奏
稱風聞太監演戲費至千金並有用庫存緞匹
裁作戲衣之事覽奏實堪詫異方今各省軍務

未平百姓瘡痍滿目庫帑支絀國用不充 先
皇帝山陵未安 梓宮在殯興言及此隱痛實
深又何至有如該御史摺內所稱請事況庫存
銀緞有數可稽非奏准不能擅動茲事可斷其
必無雖深宮耳目恐難周知外間傳聞必非無
自難保無不肖太監人等假名在外招搖亦不
可不防其漸著總管內務府大臣等嚴密稽查
如果實有其事卽著從嚴究辦毋得稍有瞻徇
致干咎戾皇帝典學之餘務當親近正人講求
治道倘或左右近習恣爲娛耳悅目之事冒貢

非幾所繫實非淺鮮並著該大臣等隨時查察
責成總管太監認真嚴禁所屬嗣後各處太監
如有似此肆意妄行在外倚勢招搖等事並著
步軍統領衙門一體拿辦總管太監不能舉發
定將該總管太監革退從嚴治罪若總管內務
府大臣等不加查察別經發覺必將該大臣等
嚴加懲處其各懍遵毋忽此旨並著敬事房內
務府各錄一通敬謹存記欽此 主聖臣直非
三代之隆不克臻此

聽雨樓

京師丞相胡同嚴分宜之賜第也其西南爲半

截胡同予庚戌入都寓於此時邵位西姻文懿

辰僦居之第宅也南倚聽雨樓即東樓賞鑒書

畫處在吾鄉姚亮府中丞祖同宅內時中丞文

孫中翰良菴年伯近韓居焉相傳上有狐人莫

敢上其時正陽門城樓爲火所毀已有工師度

大木矣閱六年復來城樓巍煥聽雨樓已烏有

矣

宮僚雅集

宮僚雅集酒器以白金作杳杯如梅花形外界

烏絲內鍋諸公姓氏名號爵里於底計重二十

八兩有奇以量之大小分屬焉首湯潛庵越河

南睢州人次沈繹堂荊江南華亭人次郭快圃

茶直隸清苑人次王昊廬澤宏湖北黃岡人次

耿逸庵介河南登封人次田子湄善霽山西代

州人次張敦復英安徽桐城人次李山公錄子

順天大興人次朱卽山阜浙江山陰人次王阮

亭士慎山東新城人共十事舊為孫雨人學博

同元所藏後歸其壻胡次瑤孝廉琨曾於次瑤

席間得寓目焉大者可容三合以次遞小庚申

之歲杭城被陷次瑤挈妻屬殉難不知此物尚在人間否學博之子令甯河相隔百里惜不能一問也

胡次瑤札

次瑤孝廉胡以莊學士敬之令子也粹於經學

詞章其餘事學士著崇雅堂集若干卷沈博絕麗嘗謂孝廉深經術補其平生之不足憶壬子歲計偕北上與芷淥家叔延潤同行抵都後致

高小垞中翰

學沅

一札云上燈時節丞相故廬

承二三君子把酒餞別爾時雨後月色榻下溪

聲曹子幼兒繞案嬉戲光景厯厯如在目而弟
之別兄三旬餘矣茆店明月佳於屋梁陌頭閒
雲時復飛去每登軾南望不知英英數朶之下
是否吾鄉二三君子把酒言詩處要呂末疾想
已霍然春寒逐人伏惟珍重弟中年已屆不無
老大之嗟功名一道正如雞肋茲復碌碌隨十
九人後自分無足短長而老兄介我以佳僕衛
我以潼容貽我以脂膏贈我以簞竹每於車中
轉盼四顧覺左右前後無非兄之舊物是雖不
與兄偕行亦何異與兄偕行者旅中景况特纒

縷筆之謹告典籤幸無謂賤子之絮聒也自解
纜後所如輒遇石尤打頭至丹陽舍舟而陸乘
輦行大風中比至京口遂得癩疾汪子道生送
余渡河河水清且漣全納洪澤湖之滿淮道爲
河伯所奪久矣今乃復歸故道可知天地之道
無往不復河宜在北淮宜在南此天下事一定
不可移易與其峻隄厚防而致潰不如因勢利
導之爲順大都如是耶比至王營宿車行湯氏
汪子爲僦車余車二許子之車二金子之車一
丙午孝廉名紹寅車值皆十金有四命紀綱束裝以待

而汪子去晨興秣馬戒僕夫行許子之僕曰酈
善騎命之前行視旅舍同人目爲食其公金子
之僕曰趙善會計命之司出納余僕二人曰金
曰趙轉移執事二人各一臥具金僕厭其煩乃
羈一被襪一被與趙同臥起自是之後二人起
同車寐同榻若叩叩駢虛之不可相離也與羣
車子約黎明啟行鐘四下投宿車子皆如約余
攬轡登車始怡然曠然日爲之加餐夜爲之加
睡興之所到時復吟詠見塗中新柳作金色溟
濛雜埃塹令人慨然動六橋煙柳之思或天未

明相約魚貫行車鐙纍纍若驪龍領下珠照乘
前後者以數十百計有時上坡陀前高後下又
若火龍一條首尾相銜蜿蜒夭矯欲升青雲勸
輒下帷月漉漉自隙穿光入臥間聞車輪聲車
鈴聲車子叱馭聲若醒若夢別有一種情味值
沙上車平行若拖舟輪鐵碾沙聲屑屑然而膩
余以衣裹作隱囊搖颺間駸駸入睡去恍然記
初孩時在乳母懷中搖膝撫背登登然養其天
和个中意味不可多得瞬息間已一夢入黑甜
鄉矣旅中多夢奇怪百出忽而星成字忽而日

生尾忽而薪載人以登天凡人事所不能有思
慮所不能到者造物悉貢之吾夢中以助游興
夢既酣但隱然聞雞聲犬聲賣餅聲老人咳聲
小兒啼聲市人鬨聲雜然來於耳邊知又到一
村矣車過關觸其棖闐砰礧鞳萬雷齊發余
亦不能睡褰帷起視則日出已經三商迴顧道
左賣不托寒具山藟藟者隨意買數枚以充朝
飢禺中而旅食秣馬脂車攜伴復行去村舍旣
遠四望無際地爲碌礪所碾平夷若鋪氍毹天
四下垂如幬天地相接中無一物但見前車數

十愈遠愈小宛然若蜣螂蟲百十偃僂然負殼
行去鼠肝蟲臂余亦在蜣螂之列由大人先生
視之其亦蜣螂之比耶日晡至旅舍稅駕
未及坐定卽有貿布者壇鞫者阿膠者纓冠者
金石拓本者抱琵琶邀顧曲者雜沓全進麾之
不去余翩然出門尋碑碣訪寺觀往往爲乞兒
所吠羣聚索阿堵物探囊中羞澀已盡不得已
乃返行坻堰頭鎮路人皆曰有盜是宜慎堰頭
界於兩省淮齊之交易爲逋逃藪盜之劫人屢
矣余聞之睠眄歸寢自是官府有護送行旅之

役荷挺執爰夾車以行入魯境民風安謐程復
一程至於東阿望東北諸山連綿不絕渡江以
來不見山色久矣猝遇山如見故人幽賞不已
忽有雲氣自山出扶寸而合須臾彌天大雨驟
至余下帷屏息如三日新婦山阿中多石嶺峯
犖确簸盪不止自顧此軀如巾箱中閉一不倒
翁千轉萬側任兒童所爲啟視仍端坐不動如
如自在忽遇一巨石一落尺許車篷竹擊余額
鏗然作聲覺頭角中崢嶸氣象迸出萬千坐久
悶甚啟帷旁覩之見食其公衣雨衣油復陶策

蹇衛前導忽失足墮泥淖中自頂及踵皆塗塗
附努力然後起日暮到店衣韞皆溼乞鑪炭於
店主人主僕對鑪燎衣衣乾乃就寢次日復雨
再宿乃晴入直隸境車子以其熟道也得意馳
之怒馬越前車數十乘乃止時大風聲若裂帛
馬首塵十丈余下帷四圍盡繞其繫以手掀捺
猶不敵風力驟馬屎溺皆善鑽刺逢隙卽入須
臾耳鼻舌皆爲鑽刺者所侮觸之腸胃令人咳
吐皆惡及到店迴顧車子若廟中新塑土偶人
未施丹粉時面目宛然噫余之行矣俄而爲初

孩俄而爲新婦俄而爲蜣螂蟲俄而爲不倒翁
茲之傾洞也又將以余爲藥叉羅刹耶子面如
吾面同人皆相視而笑中浣之末始到長安凡
此景況皆在吾兄意中覽弟此書以爲苦耶以
爲樂耶大都人生患不達耳當其家居則慮道
中之瘁及在舟中又慮車馬之勞今則辛苦備
嘗以爲樂不以爲苦反覺家居時米鹽凌雜瑣
屑不堪與其跼蹐如轅下駒何如奔軼絕塵作
八驥之游耶極瑣屑極明快一路情景歷歷如
繪直不啻與子偕行矣

十汊海

京師十汊海荷花最盛庚戌歲仁山族兄

彭壽

邀遊石橋西畔爲煙袋斜街有酒樓一座倚闌

眺望香氣襲人時存夢想癸亥六月五日曹子

賢孝廉

應昇

約菊笙與予同遊光景歷歷如舊

惟酒樓下半成葑田荷花稍遠香氣亦較微菊

笙成十絕句記其四章云綠佩紅裳綽約中遠

香近色四圍通長隄鳥語蟬聲裏消受垂楊樹

樹風鼓樓倒影倚鐘樓雙鎖紅橋接御溝眞箇

此波涵聖澤石渠太乙好乘舟景山對面列如

屏樹色雲光翠撲櫺窗外荷花花外柳誰家柳
外又池亭徧地香開步步蓮清華風露憶當年
池塘也有滄桑變近岸青青半葑田子戲成南
呂調一套云萬柄新荷當風擺好箇清涼界空
明絕點埃幾尺波紋一樣輕雲靄望裏盡樓臺
翠生生一帶垂楊矮步步嬌幾株兒松柏吹天籟
幾羣兒鷗鳥迎人拜幾灣兒流水淨於揩幾絲
兒香息微無礙仙遊何處不天台算今朝結箇
蓮花寨醉扶歸最好是石闌橋外記沿隄西去一
道斜街臨流小閣水窗開酒家檐外搖風旆紅

樓對面雲階月階紅衣覲面山涯水涯看采蓮

人去有箇船兒待

阜羅袍

共清游詩懷酒懷走長

安一般無賴偷閒買醉座上碧筩排籠紗在舊

迹依稀經十載還記得雪藕調冰賭唱來

姊妹姊妹

晚涼歸去情逾快只恐怕勝游難再還望你寫

幅觀荷十泖海

尾聲

菊笙善畫故云勝游難再竟

成讖語奇矣

感事詩

丁雨生中丞

日昌

廣東豐順人弱不勝衣力學

工吟詠以廩貢就訓導時與子雙家叔

延穀

共

在潮州危城中守禦幾一載枕戈籌策真患難

交也以是頗相得論功銓江西萬安令洊升是
職記其潮州感事詩二十首云不信天心付劫
灰西風永夜角聲哀五千里外烽煙接二百年
餘殺運開滋蔓不圖成禍水養癰平日讓通才
如何文物聲名地太息塗膏遍草萊曾聽元戎
將略無千杯壯志勵庸夫未能一戰師先老絕
少奇兵計已麤聚鐵可堪州鑄錯唱籌今見米
成珠三年轟破襄陽未一砲功成萬骨枯

向帥鑄六

萬斤銅砲

蔓延吳楚又青徐總是西南漏網餘本仗

虎頭能定遠誰知螳臂竟當車連營處處嚴溝壘募卒頻頻到里閭戰勦無能抄掠慣濫將潮勇漫吹噓焚劫沿途篋笥充歸來翻作應聲蟲盟雞甫歆萑苻血喚鶴先驚草木風難解網開憑聚散倘因人密藉疏通圖成鄭俠流亡苦多少蒼生類轉蓬星散兵權志不牢秦風誰肯篤同袍倚天處處誇長劍縮地人人望大刀頗說將才多似鯽翻教羣盜起如毛牢騷我欲呼天問閭闔蒼蒼爾許高妖氛飄瞥武甯空臣職能完共効忠血灑郊原秋草碧魂歸兜率陣雲紅

當關守禦兵無志與士存亡鬼亦雄辛苦城東
方義士破家收復也無功海濱鄒魯也干戈遍
地豺狼奈若何將帥立功今日少秀才作賊古
來多漫傳白起曾降趙難信黃巢竟渡河十萬
橫磨誰請得有人洗耳聽饒歌雄關屹屹駐旌
旄未見烽煙便遁逃宵濟有聲舟掬指誅求無
厭帥吹毛呼庚漫咎軍儲竭棄甲頻聞將略高
七十里程三日進笑君此腹負羊羔進等求魚
退守株議征議撫總躊躇民欺官懦多中立賊
恐糧豐阻轉輸有令開倉仍米貴無方勦寇仗

天誅背城借一尋常事早晚軍門看獻俘不事
芸窗不力田鬪爭都覺性情偏誦詩口上難三
百募勇江東易八千偶執干戈聊掩耳無多金
穴漫垂涎紛紛義舉誰其義誰續遺經瘠士篇
爲盜爲兵若轉圜但逢利藪便開顏飛符祇覺
軍如戲失律安知令似山海鶴不來春黯淡鱷
魚雖去俗冥頑蠻方積習由來久誰挽頽風到
闐闐春盡興師秋又涼飛鳶難達陣雲忙援兵
未見傳三豕逆燄猶聞逼五羊不信天將拋海
嶠更何人可埽欃槍 聖明應爲瘡痍痛矯矯

言屋卷一
二 吳氏聚珍
貔貅出建章勳業文章事本殊籌邊難覓辟兵
符未經談虎容先變直到亡羊注已孤諸葛世
原稱盡瘁呂端人尚說糊塗瀛洲形勝關閩粵
奏凱何時答 廟謨雌黃衆口易波瀾旁午軍
書力既殫杯底有蛇饒舌苦河東無粟盡心難
天人儘許通三策經濟猶須用五官橫目幸留
冬愛在寬和究竟勝貪殘驚傳風鶴信頻頻奮
勇居然類偉人失險竟難防子午出師何必守
庚申似聞定遠生還易敢信哥舒死敵真惆悵
填橋少烏鵲靈旗黯淡楚江濱烽燧看看遍嶺

東是何時候不和衷狐疑漫喜歸秦璧鼠首眞
驚失楚弓已見闐牆分洛蜀何堪築室付癡聾
諸公須爲生靈計莫但衝冠氣吐虹捐輸借貸
例陳陳供給軍儲閱夏春忽欲然眉家索餉飛
而食肉古何人辛勤曾否涓埃答子姓今看破
碎頻縱是艱難須盡力閭閻指日沐絲綸月
暈重圍野哭哀半年未見省兵來官原惡殺留
生路賊本無能煽死灰何日膚功消劫運幾番
血戰仗邊才十年養望非容易畢竟安危借寇
萊揭普潮澄警報頻豐城又見楚氛新空拳退

言歷六一
吳氏聚珍
賊真良吏枵腹從軍果義民破斧是誰能建樹
運斤端合借勞薪鞠窮呼罷親桴鼓難怪人歌
有脚春氛侵冥冥戰壘稠幾看帷幄運良籌熟
腸我縱工秦哭冷眼人誰作杞憂八口妻孥愁
滯跡一年戎馬又殘秋從來不勦何能撫辜負
長沙涕泣流憤懣之氣溢於言表詩筆亦恣橫
異常

張簡松詩

張仲雅先生

雲璈

詩名擅一時晚年自號簡松

居士蓋慕袁簡齊趙雲松兩詩人也謁選京師

寓萬明寺作雜興八首云客裏情懷不當春粥
魚茶版寄間身一雙燕子歸來晚翻笑長安閉
戶人風光如此我何堪吹面塵沙亦自甘不願
落花微雨好對來生怕似江南十日相隨看海
棠隔年又復見丁香棗花寺裏人如螳一樣紅
塵未是忙楊花終日各西東舞遍風前幾萬重
忽地成團共飛去始知人世有相逢坐來乍覺
氣懣懣新綠當窗影漸深我與芻尼同作客晝
長消受一庭陰紛紅駭紫足風流到處尋芳興
轉幽惟有城西馬都諫八千長閱樹春秋六街

言厚卷一
三
日日走輕車輪與儀曹蔡浣霞堆砌落英三尺
厚風亭如雨撲藤花流塵冉冉凝窗霧香篆沈
沈鎖帳煙昨夜春寒如水過盡牽歸夢上吳舫
冷雋之筆又於袁趙外別立一幟

項蓮生孝廉

錢唐項蓮生孝廉

繼章

性孤峭工詩詞書法師

董趙娟秀可愛曾爲先大夫書扇頭錄舊作數
首過性上人蘭若云得閒來問訊便覺老僧忙
琴爲繙經廢茶因覓句嘗引泉通野圃移竹放
斜陽了悟無生理看雲臥石牀西谿晚宿云西

堰梅花路夕陽谿水明下帷延竹色倚枕聽松
聲小市人烟遠疏林鳥夢清脩然絕來往門外
月華生湖上卽事云孤嶼平隄接重城一水環
湖明疑浸日雲薄不遮山稗柳如人弱唬鶯笑
客閒畫船乘兩槳酩酊載春還無題云春風吹
柳色綠到武昌城鏡裏蛾眉改書來馬角生別
多愁有路境苦夢無情君看彈棋局應知心不
平題南湖慧雲寺云昔年歌舞地今奉水仙王
老樹依官道殘碑立夕陽西湖幾興廢南內久
蒼涼猶剩前朝寺梅花莫斷腸秋夜寄遠云花

言
院靜冥冥秋聲已滿庭風連萬戶竹月澹一池
星夜永燈先盡窗寒酒易醒南飛有征雁寥落
不堪聽寫作俱妙可稱雙絕余珍藏久矣今爲
其姪笙伯攜去孝廉詩不多見詞則有憶雲甲
乙諸編格律森嚴幽折入妙皆苦心孤詣之作
倚聲家奉爲圭臬實足媲美張姜已

言爲心聲

蓮生孝廉姊項祖香女士 經 適陳氏太母梁恭
人深與契洽朝夕過從慷慨爽性成無巾幘氣余
幼時頗蒙青眼論事談詩詞源不竭猶記其屬

句云五月六月有秋意三更四更聞雨聲詞極
淒婉蓋少寡無子言爲心聲也詩載杭郡詩輯
壬戌歲避難來都猝嬰時疾謝世是歲都門疫
盛行余大女德瑛亦丁其厄奔馳歷數千里決
別在一二時能不傷哉

忠臣遺跡

內閣大門外有坡陀十餘級其第一級偏東石
上有方孔長約二寸中邊皆赤雨後色尤鮮明
孔繡山前輩

憲彝

云明末有駙馬遇流賊被戕

於此惜未記其姓氏忠臣遺跡歷久不滅閱之

令人起敬

碧聲唵館談塵卷一終

碧聲唫館談麈卷二

仁和許善長季仁甫纂

依樣葫蘆

內閣日進本章皆例行事件然票擬稍誤輒奉
旨議處有樣本四冊非熟悉原委縱繙閱莫
得其詳是在前輩之口講指畫虛心聽受直不
能躁氣用事也聞前輩有句云依樣葫蘆畫不
難葫蘆變化有千端畫成依舊葫蘆樣要把葫
蘆子細看語雖平易實得此中三昧司票擬久
者必能會悟斯語

豸舌

豸舌如鋸著處無不立斃故曰豸舌雖狹而有殺虎之能言其銛也見明包公剡南中紀聞

風聞

臺省得風聞言事出漢書尉佗曰風聞老夫父母墓已壞削又晉書顧和對王導曰明公甯使網漏吞舟何忍採風聞以察察爲政此風聞二字原始

墓誌之始

昔有盜發比干墓得一銅盤其銘曰左林右泉

前岡後道萬世之甯茲焉是寶此殆墓誌之始
乎又孔子之喪公西赤誌之子張之喪公明儀
誌之

地名人名誤讀

役綏

音對許縣名

瀧水

音雙縣名

汨羅

音密一博縣名

牂牁

音臧

歌郡名

取慮

音趨縣名

慮虎

音盧縣名

朱提

音殊縣名

時盟

津

音孟縣名

不其

音箕縣名

繁峙

音止縣名

犍為

犍音處縣

名

都龐

音龍縣名

令居

音連縣名

先零

音連縣名

盱眙

音吁怡縣名

方與

音房豫縣名

裴縣

音非

曲逆

音去

胸臆

音瞿閭縣名

枹罕

音夫謙地名

雍州

音擁與雍門同

平谷

音沙縣名

樂浪音洛郎莊浪浪音郎邯鄲音寒丹鄆縣音閭

虹縣音絳費縣音秘郟城音談單父父音甫儋州音丹

鄆城音杏射洪射音石鄆城音緇隆慮音林

閿鄉音聞徒縣音斯蓋屋音周葉縣音攝涪州音浮

郴州音琛沐陽音述崢嶸音郭敦邱敦音頓豸氏音楷

桑乾音干檣李音醉越巂音郡鄜州音夫

虎祁音麕崔苻音九姑射音山旱干音罕

堅地音咎咎猶音求惡池音濔澶淵音澶澠

池通音勉石埭音代又國名朝鮮音仙休屠

儲音朽身毒音竺康居音染于闐音旬突厥一作突屈

又人名隗囂音槐武墨音柳玼音李陽冰冰音

石碣音酈食其音異飢臺駘音胡卻孼音金日磾

低音密伍員音亢倉音庚周顓音姚璿音于頔音

高頴音景万侯高音荀彧音郁吐谷渾音冒頓

咄音契丹音契音劉鋹音他如八廚音須溪音

之類正多誤讀韓退之勸人識字良有以也

夢偈

投成式酉陽雜俎載主夜神咒曰婆珊婆演底
持之夜行及寐可卻恐怖惡夢而莫曉其故後
讀華嚴經乃得其說其言曰善才童子答善知

識至閻浮提摩竭提國迦毗羅城見主夜神名
曰婆珊婆演底神言我得菩薩救一切衆生癡
暗法光明解脫我於夜暗人靜鬼神盜賊諸惡
衆生所遊行時密雲重霧惡風暴雨日月星辰
並皆昏蔽不見色時見諸衆生若入於海若行
於陸山林曠野諸險難處或遭盜賊或乏資糧
迷惑方隅忘失道路張皇憂怖不能自出我時
卽以種種方便而救濟之令其得脫恐怖之厄
其神力如此蓋不止夜眠二事故人多疑懼怯
魔能誠心持誦必離恐怖

吳宮贊詞

宮贊吳薇客先生

敬義

余叔母兄也博學多聞

望重鄉里道光乙酉歲登拔萃科是科鄉試題
爲知者不感三句文道緊異常三場腹瀉不能
到闈墨出仍刊入爲致字十七號家絃戶誦乃
先生科名一遲十載至乙未歲甫得鄉魁庚子
會元所爲詩古文辭絕不騁才示博而出筆自
然韶秀家鄉遇刼遺稿蕩然僅有恬齋八韻詩
存二冊膾炙人口表弟子穎毓麟近官兵部見
其廳事懸有先生手錄詞稿一幀借觀竟日不

忍割愛爰全錄之水龍吟自蒲州渡河云蕭寥
昨夜秋聲西風寒入長河勁龍門高處危崖雙
束懸流似縷浩浩中流扁舟一葉低舷斜凭試
狂歌裂竹催他起舞有約略魚龍影仰看碧羅
天淨記天外飛槎路迴捫星厯厯仙源何在支
機石冷古寺蒼茫遊蹤跌蕩驚濤自警又寒聲
遠送一繩雲雁撲蘆煙暝燭影搖紅題汪秉齊
海棠庵填詞圖云昨夜東風吹紅壓徧闌干影
闌干影裏一重簾簾卷春煙暝小坐碧苔階淨
夜沈沈花魂喚醒低吟翦燭絳蠟光中輕妝半

整一疊紅情一回自拍紅牙聽一分煙雨一分
雲一一花天境一一詞人暗領悄無言幽懷自
省年年但到庭畔花時和花密證金縷曲題勞
宜生同年蘆溝曉行圖卽送其之官楚北云我
亦緇塵久算頻年驟網鈴語曉行時候爭似江
南殘月暗十幅蒲帆春皺最無賴東風依舊已
是閑愁紛如絮送行人更折橋邊柳迢迢去楚
江口淒然重把離筵酒渺天涯垂虹一曲河梁
攜手落落落晨星三四點催去征輪風驟遙屈指
水程煙堠聞道江邊黃樓好問樓中仙鶴能來

否琴尊樂幾回又百字令過潼關弔前明孫督
師傳庭云關門四扇倚危崖陡絕當年雄鎮太
息丸泥封不住一夜嚴烽催迅萬騎黃巾三軍
碧血風鶴烟雲緊鞞刀自拔可憐前事誰問爲
想關外寒沙沈埋鏽鏃未盡哥舒恨賸有碉樓
斜日裏無數歸鴉成陣太華崇高長河浪急漸
漸霜天近添他酸角城頭吹滿寒信綠意題深
柳讀書堂圖云春痕滿護正十分翠展涼罨庭
戶幾折苔階倒映紅闌人在疎烟深處瑯嬛不
是塵中境借一片濃雲圍住聽朗吟碎嚼飛花

響透半簾疎雨傾徧淋漓研滴一天卷絮影池
上煙聚水面文章別樣空明流出薜根文古一
經山海時還讀笑世路人無尋處論素心只有
泉明借問綠陰知否霓裳中序第一云泠泠瀉
翠浪一縷微瀾迴曲障粉浣香融烟漾記玉鏤
瓊鐫龜魚來往金梁十丈悄夜深低護羅幌春

風裏兩行華燭波底紫霞晃惆悵清池無恙早

薜砌疎蛩流響霓裳賸譜誰訪漸一角西風碧

蓮花放彎彎眉月上已罷照凝脂膩漲蒼涼甚

銅溝舊影螢火草根傍

自註驪山下溫泉
是華清池故坡

齊天

樂題董醞卿同年篝燈課讀圖云湖波夜落秋
窗閉淒淒一燈涼透荻管吟長機絲韻苦鳴咽
苔螢啼後憑他畫手爲寫出荷心卷煙寒瘦暈
入蛭膏蘭芽低展一痕秀東風衣乍染柳九天
飛吉語圓穗紅又郎舍星明農曹官好聽慣螭
頭銅漏挑來夜久可略似當年一九熊否燦照
宮蓮五雲花誥鏤鳳凰臺上憶吹簫題蔡梅盦
同年韻香樓圖云鏡掩鸞箱香殘蠹帙西風寒
了今宵賸孤吟擁背蠟暈紅搖約略瑤仙瘦影
瓊珮響又逐雲飄淒涼甚銀鋪月墮蟲語如潮

魂銷幾回翦燭還記得年時短句同謠怎珠宮
天遠夢斷輕綃寫出傷心一幅頻掩淚半面重
描渾無奈秋人可憐鬢影蕭蕭臺城路題茶耘
同年關河夢雁圖云宣南坊畔高槐影琴尊幾
回聯襟古睇馳晨今懷奔夕忽忽廿年前事重
逢老矣漫悽悄相看鬢絲如此未減清狂一尊
來共故人醉閒愁可能自遣南天波渺渺無限
離思冷雨關河疎燈亭堠聽慣秋空嘹唳相思
夢裏又碧落橫斜幾行題字延盼西風錦書天
外寄買陂塘題魏條珊農部所藏胡褐公金陵

廿四景冊云展零縑蕭蕭老筆蒼涼遺迹重省
江南山色依然好倒影玲瓏波鏡憑攬勝早淡
墨依稀寫入秋天暝幽懷未竟更老輩簪裾故
歡裳襪二十四圖併淒迷處尺幅煙雲難認謝
家前事誰證空餘故紙猶爭此濤外一墩秋冷
凝思迴有學士風流爲補微茫影遊情乍騁向
煙草殘碑風榛斷笛待訪畫中境自注圖中失去謝公墩一
紙學士戴醇士前輩筆墨灑然與全冊如駢之斬錦堂春題錢崙仙前
畫玉堂歸娶圖云蓮炬分紅柳衣染綠仙郎合
住高寒伴素娥清影人月同圓借取淩雲秀筆

朝來小倚屏山向。棗花簾底蕉葉窗。前澹寫雙
彎。錦堂春正佳麗。徧瑤階。烟綺蘂珮珊珊。一縷
香痕融袖。淨裏宮紈。玉鏡奩開。寶鳳瓊簫韻譜。
和鸞占神仙。豔福壓倒人間。彩帔花冠。齊天樂
題錢崙仙前輩慈竹平安圖。云茗溪溪上雲千
疊。玲瓏一彎。烟水夾道槐森高門。柳蔭藹藹華
堂春。麗鴻書乍啟。正寫到鱸鄉滿天涼。翠密護
陔蘭。晚來凝秀上庭砌。北窗曾聽夜雨細。和吟
韻冷頻翦燈穗。碧篠干雲青琅嘯。月雛鳳清聲
催起。安輿至矣。卻筍事江南。遠程千里快舞宮

袍御香盈袖裏

關聖祖碑墓

筠廊偶筆云偶得蒲州朱牧所撰關侯祖墓碑
事奇而文不雅馴以示吾友馮山公景山公走
筆作記一篇庶足與侯並不朽矣記曰天之生
聖賢也必鍾祥於世德之家故大孝尊親咸思
貽父母令名予嘗思漢壽亭侯生而忠貞沒爲
神明廟貌遍宇內血食綿千古而其祖若考名
氏獨闕軼無考侯在天之靈必有盡然隱痛者
予每遇河東博聞之士必周咨之不可得康熙

十七年戊午解州有常平士于昌者讀書塔廟
侯故居也昌晝夢侯授以易碑二大字驚而寤
見濬井者得巨甕碎之甕上有字昌急合讀乃
紀侯之祖考兩世諱字生卒甲子大畧循山而
求得墓道焉遂奔告解州守主朱旦朱旦作關
侯祖墓碑記記中載侯祖石磐公諱審之問之
和帝永光二年庚寅生居解州常平村寶池里
公冲穆好道以易春秋訓其子卒於桓帝永壽
三年丁酉享年六十八子諱毅字道遠性至孝
父沒廬墓三年既免喪於桓帝延熹三年庚子

六月二十四日生侯侯長娶胡氏於靈帝光和
元年戊午五月十三日子平其大畧如此昔
有作關夫人廟聯者云生何氏沒何年蓋勿可
考矣夫盡忠子盡孝得不謂賢乎本失之空滑
且未見此記也

河豚

六一詩話云梅聖俞嘗於范希文席上賦河豚
魚詩云春洲生荻芽春岸飛楊花河豚當是時
貴不數魚蝦河豚常出於春暮羣遊水上食絮
而肥南人多與荻芽爲羹云最美故知詩者謂

祇破題兩句已道盡河豚好處東坡詩云竹外
桃花三兩枝春江水暖鴨先知萋蒿滿地蘆芽
短正是河豚欲上時藝苑雌黃云張文潛明道
雜志云河豚水族之奇味世傳以爲有毒能殺
人余守丹陽及宣城見土人戶戶食之其烹煮
但用萋蒿荻芽菰菜三物而未見死者豚有作
鮑葉夢得石林詩話又云浙人食河豚始於上
元前常州江陰最先得方出時一尾至直千錢
然不多得二月後日益多一尾纔百錢耳柳絮
時人已不食謂之斑子或言其腹中生蟲故惡

之而江西人始得食蓋河豚出於海初與潮俱上至春深其數稍流入於江歐陽文忠吉州人故所知者江西事也近聞乙丑春聞詩題蘆筍生時柳絮飛詩中 useful 河豚者一房考云豚而在河豈非奇事或者因信及豚魚而誤爲是言歟聞者竊笑

治鰾酒

石林詩話云世言社日飲酒治鰾不知其何據五代李濤有春社從李昉求酒詩云社公今日沒心情乞爲治鰾酒一瓶惱亂玉堂將欲遍依

稀巡到第三廳昉時爲翰林學士有日給內庫
酒故濤從乞之則其傳亦已久矣社公濤小字
也唐人在慶侍下雖官高年皆稱小字濤性疏
達不羈善諧謔與朝士言亦多以社翁自名聞
者無不以爲笑然亮直敢言官至宰相放翁秋
社詩亦云酒爲治顰飲一杯

紅皺黃團

韓昌黎城南聯句云紅皺曬簷瓦黃團繫門衡
不知何解宋周紫芝云黃團當是瓜萋紅皺當
是棗

實錄

同治元年恭纂 文宗顯皇帝實錄稿本將成
八月咨取各衙門司官充校對共三十二人內
閣八人吏部四人戶部四人禮部四人兵部三
人刑部四人工部三人國子監二人於三十二
人中復派詳校八人餘皆爲初校長得與詳校
之列初閱稿本次恭閱發繙發繙本無甚關繫
但求無誤而已恭閱本最爲要緊不但細校字
句卽一點一畫亦須詳慎此卽將來進 呈黃
綾之底本也次黃綾白紙界烏絲次小紅綾二

分爲內閣日進本及 大內藏本白紙界朱絲
末則大紅綾二分爲 皇史宬及 盛京尊藏
本亦白紙朱絲除恭閱外共校五分每分三百
五十六卷外此尚有 聖訓夷務兩分另派詳
校初校初派之八人不閱也至五年臘月告成
於初八日 受書先期演禮三次初七日鑾儀
衛陳法駕鹵簿於 太和殿前陳步輦於 太
和門外陳五輅於 午門外陳仗馬於丹墀中
道之左右俱東西向樂部和聲署設中和韶樂
於 太和殿檐下兩旁設丹陛大樂於 太和

門內兩旁俱北向禮部鴻臚寺官設 實錄案

六張 聖訓案二張香案一張於 保和殿內

正中設表案一張稍東西向俱用黃緞罩書案
鋪紅毡館內設案亦如之工部官設香亭一座
於館內龍亭二十四座於館外每座用黃紬二
疋穩書監修總裁官咸朝服纂修校對收掌等
官咸蟒袍補服屆時恭請 實錄一百四十四
函 聖訓四十四函陳設於館堂中監修總裁
以下各官行三跪九叩禮香亭昇至館門外纂
修以下等官奉書陳設亭中每亭八函捧書四

人領班一人隨護一人安奉畢香亭在前龍亭
在後鴈臚官二人前引昇至 文華門外南向
纂修校對等官行一跪三叩禮鴈臚寺卿二人
前引亭以次序行總裁以下各官隨護行走張
黃蓋一 御仗二龍旂二和聲署作樂導迎由

協和門中門至金水橋南由中道行入 太

和門中門王貝勒貝子公宗室官員分翼跪迎
於金水橋北文武官員按次跪迎於金水橋南
皆東向亭至 太和殿階下南向排列纂修校
對等官詣亭前行一跪三叩禮按次捧書進

太和殿中門 中和殿中門至 保和殿以次
恭設於各案畢總裁官率各官行三跪九叩禮
退值日護軍統領總管內務府大臣謹闔 殿
門各官員周歷照看各侍衛輪流坐更初八日
監修以下各官咸朝服詣館中恭候屆時監修
官奉進書表文於亭中率各官行三跪九叩禮
鑾儀校舁行鴻臚寺官前引總裁以下各官隨
行進 協和門左門 太和門左門至 太和
殿階下亭止各官於亭前行一跪三叩禮監修
官奉表各官隨入由 太和殿左門循中道左

行至 保和殿內表案上恭設監修官率各官
行三跪九叩禮退維時鴻臚寺官引王以下文
武百官入 昭德門 貞度門各按常朝班次
序立禮部堂官奏請 皇上恭受 實錄 聖
訓 上御禮服乘輿出宮至 保和殿後榻扇
降輿步行進 殿拈香就拜位行三跪九拜禮
禮部堂官恭導 皇上步行至 中和殿陞座
侍班執事各官由鴻臚寺官引進排班不贊行
三跪九叩禮先趨出外朝就位立監禮御史禮
部官咸就位立 皇上步行至 太和殿 午

門鳴鐘鼓中和韶樂作奏隆平之章 皇上陞
座樂止鑾儀衛官贊鳴鞭階下三鳴鞭鳴贊官
贊監修總裁等官排班丹陛大樂作奏慶平之
章鴻臚寺官引監修總裁以下各官進贊跪皆
跪贊宣表宣表官奉慶賀表章至 殿門外正
中北面跪滿漢大學士各一員出班左右跪展
表文樂止宣表官奏畢樂作贊叩興監修總裁
以下各官行三跪九叩禮興各退出仗外復原
位立鳴贊官復贊排班樂作鴻臚寺官引王以
下百官進贊跪皆跪贊宣致辭宣致辭官奉慶

賀致辭至 殿門外正中北面跪滿漢大學士
各一員出班跪展致辭樂止宣致辭官奏畢鳴
贊官贊有 制東旁大學士一員進 殿左門
至 御案前恭奉宣答 制辭出 殿中門至
檐前授宣讀官宣讀官於 殿中門東旁西向
立展宣畢樂作鳴贊官贊叩興王以下文武百
官行三跪九叩禮興俱退出仗外復原位樂止
鑾儀衛官贊鳴鞭階下三鳴鞭中和韶樂作奏
顯平之章 皇上起座樂止百官皆退宗人府
堂官傳知奉書之貝子公以下宗室各官以次

奉書至 乾清宮書案前恭設 南書房翰林
總管內務府大臣奏請 皇上詣 乾清宮香
案前拈香行三跪九拜禮畢還宮 南書房翰
林總管內務府大臣敬謹閱視內監分別歸架
尊藏誠 國家鉅典也越日禮部 賜筵宴
頒賞賚 長獲 上用紅紬八疋銀十五兩附此
以誌榮幸

館師嘲肉

一學館每設餐必具肉一盤其薄如紙館師作
詩嘲之曰主人之刀利於鋒主母之手輕且鬆

薄薄披來與紙同片片擺來無二重忽然窗外
起微風和盤吹入九霄中急忙戶外尋其踪已
過巫山十二峯可謂雅而謔矣

平仄誤讀

嘗聞人出語往往有平仄誤讀相沿成習不甚
考究偶就見聞所及隨筆記之得一百餘字為
初學正訛博雅弗哂也匙彥廟宦

音怡與宦異

采劉

旗好齒据覩痛哺驚撫提壘瑰嬪閨熅厖捫跳

鞘泡諂

音怡與諂異

俄俵鵝翹瞪陘殫

以上平聲

惚捶髀

七弛俾庀

此音

跬宸杼杼簾鄔偃薺駃璫吻鱗焜

蜚鉉變狷撚殍媪繚簸珂曩快駟慌饗髒醅酹
脛糾糾赴羨莢禪以上聲綜鼻筭伎皆歸胎餽孽
瘵嫗哺酖稗療稍邏晟釘亘糅裘鳩揆以上聲髑
醇帕藝屨酢蹠撫踣廿拉卅鱣以上聲

連文釋義

田蓉墅案頭見有摘錄西泠王慎旂言纂連文
釋義百餘條據云原書尚多就所習用者錄之
俱極淺易而今人行文時信筆揮灑往往亦不
考究因借錄如左穹蒼穹言其形蒼言其色造化造自無而之有
化自有宇宙上下四方曰宇往古來今日曰宙占步占以測其變而之無

朦朧將月將入為朦虹蜺雄曰虹赤白色雌曰蜺

為煦嫗天以氣煦亭毒亭謂品其形質糞土三尺

以下糞三尺縱橫東西北曰縱京師天子之居必以

衆大邑凡有宗廟先君之壇墠築土曰壇蹊

徑路曲而僻曰蹊阡陌東西北曰阡斥鹵鹹地曰

斥西方池沼圓為池墳墓高曰墳掩映左山為

為險阻山嶽曰險谿谷有水曰谿原委原泉所

映險阻水隔曰阻谿谷無水曰谷原委出也委

聚也街巷曲曰巷闔閭市門曰闔寢廟後曰寢

倉廩穀藏曰倉閭寺闔掌守中門之禁閭閱左

閭右曰閭積其功曰閭室家室為夫婦所居閭閻特

小戸曰閨房居處者暫止廬舍在市居曰舍庖

之道曰閨庖宰殺之所垣墉高曰墉闔木曰闔扇雙曰闔

曰蒙瞍有眸子曰瞍涕洟自鼻曰涕哭泣有聲

有淚曰泣無聲曰泣須髯在頤曰髯齧齕八歲換齒曰齧

女生七月齒生吹噓吹氣急曰噓訾訾訾訾訾訾

欠伸意闌則欠膏肓心下為膏婉婉婉謂言貌

充詘充者驕氣盈詘詘者吝氣歉詘詘者吝氣歉

骨間曰脊骨枯為脊本支本宗名諱死諱

聞望名聞於人曰聞婚姻昏時而來女則因之

而去又妻之父曰婿姻因也女往因媒也婚

昏夜成禮也婿之父曰姻因也女往因媒也婚

媾妻父曰媾姻姬婿父曰姻兩嬰孩男女嬰莖宰

莖君也擯介主有擯寮案同官為寮朋友同門

宰臣也擯介客有介寮案同地為寮朋友為朋

同志職役吏曰役巫覡在女曰巫臧獲婢曰臧

為友職役吏曰役巫覡在男曰覡臧獲婢曰獲

臧者犯罪沒官為奴奸宄在內曰宄朝覲見春

獲者在逃被獲為婢奸宄在內曰宄朝覲見春

曰朝覲祝嘏祝以慈告警蹕天子出言宴享以

見曰覲祝嘏祝以慈告警蹕天子出言宴享以

示慈惠享殿最上下曰殿徵辟有詔召之曰徵

以訓恭儉殿最上下曰殿徵辟有詔召之曰徵

略石公兵法曰六韜黃章句言斷曰章反切音

展轉相協謂之反兩字錯綜錯要其文款識古

相磨以成聲韻謂之切賓白兩人對說曰賓質劑

上陰字凹入者曰款賓白兩人對說曰賓質劑

陽字凸出者曰識賓白兩人對說曰賓質劑

大市以質有知見也要害于我為要烽燧晝則

小市以劑有契券也要害于敵為害烽燧晝則

尋常	不局	妒日	厚其	艾	水	草	從	發	步	馬	桔	日	舉	夜
八尺	馳者	貪婪	盟詛	柞	行	行	禽	矢	遙	遙	炮	峰	則	
倍尋	禮度	愛食	小事	除木	日涉	日跋	日送	日縱	日郵	日置	烙以	獄訟	獄訟	
日尋	也廢	日婪	日盟	日艾	洄游	洄游	審固	審固	繫繫	繫繫	肉于	爭罪	爭罪	
筵席	括	矯虔	乾沒	蘇蘇	順流	逆流	外體	內志	繫足	繫首	肉曰	日獄	日獄	
單重	正方	強詐	得利	采薪	而下	而上	直然	正然	日絆	日羈	烙傳	筵楚	筵楚	
日筵	曰括	為為	為為	日蘇	日游	日游	後其	後其	磬控	止馬	馬乘	車駕	車駕	
簋簋	咫尺	虔	嫉嫉	洗腆	稼穡	稼穡	持弓	持弓	止馬	馬曰	謂之	之傳	之傳	
內圓	十寸	尺	弛	潔腆	之曰	之曰	矢固	矢固	曰控	磨縱	置郵	置郵	置郵	
外方	曰尺	尺	者	以致	致其	致其	曰穡	曰穡	縱送	縱送	縱送	縱送	縱送	
圓	曰尺	尺	者	致其	致其	致其	曰穡	曰穡	縱送	縱送	縱送	縱送	縱送	

曰律呂呂屬陽舳舻船前後把舵處曰舳簿筏木

簿竹輜重輜載衣車重載物車和鸞在軾曰鸞皆鈴也珠璣

已圓為珠貨賄金玉曰貨泉布行之曰泉錦繡

織曰錦綿絮精曰綿扉屨草曰扉屨碑碣方者為

刺曰繡粗曰絮檟檟牆板也兩頭徽纆皆索也三股曰纆榮

華草曰榮搖落木曰落灌莽木族生曰灌芻蕘

刈草曰芻模楷赤秋白冬黑以色得其正也楷

木生孔子冢上其餘枝疏檳榔尖長而紫文者

而不屈以質得其直也為英獸之特者為雄

為椰英雄又聰明秀出謂之英瞻力過人謂之雄

雄棲宿水鳥曰宿狼狽狼前二足長後二足短

狼無類不立類無狼不梟獍梟食父母芻豢曰芻曰豢

牛羊之屬穀食脂膏凝者為脂釋者為膏蟲豸有足曰蟲無足曰豸

按王康熙時人有西華仙錄刊入昭代叢書

紀曉嵐軼事

范屋奩別駕守知二十餘年舊交也於蘇臺握

晤同泛舟寶山舟中情話頗洽談及紀曉嵐曾

於親串家炫一宮袍極鮮麗傳入內室欲觀而

未得其便一夜知曉嵐醉臥乘間竊窺曉嵐佯

作不知別後札來其親串啟視則絕句一章云

昨宵親母太多情為看宮袍秉燭行若使大風

吹燭滅平平仄仄平平趣甚又言一平姓者
娶親曉嵐送詩韻一部爲賀衆不解問之曰平
上去入

楊東村鞠案

崑士伯兄

善器

久官閩中奉差來都得昕夕情

話談及陝西人楊東村

景濂

令南平時遇太尊

署中失竊報到卽往勘外間一無痕迹太尊因

事公出其臥室爲人砍破牕戶失去千餘金令

細勘之見刀痕有油暈嗅之味膩知爲廚下人

所竊而未明言也但云廚下幾人須憑我帶去

衆亦莫解其故任令帶往到署卽坐廳事問汝等皆宿廚下否曰諾問汝等夜間有起來者否曰無問別有聲響否曰無問曾有他人行動否曰管廚某爺夜間曾來取刀問何用曰砍竹問某爺舊用乎新來乎曰主人都下帶來所親信者問平日作何舉動曰愛賭新負數百金令命將衆人嚴押帶健役復至府署專索某爺其人出衣履華潔令知爲主人寵不可以威嚇但云有供牽涉汝不得不往質對其人猶崛強衆家丁皆爲緩頰令命健役押之行已亦隨往押入

內衙緩言喻之不承令怒褫之小衣皆縋曰荒淫可知矣拍案曰汝夜間取刀砍竹竹在何所猶不承令押衆人至面質其人語塞加以刑始吐實問銀爲昨夜所盜決未用盡餘銀在何處曰在臥室油缸下餘藏茅廁中時已五鼓令命嚴禁之天明叩府署門直入廚下至其人臥室中果有油缸移開下有輒去輒而銀在焉如言復至廁餘銀亦得艷然至刑名幕中侃侃而談必欲通詳合署皆出勸始詳稟太尊而事寢嗚呼遇事之不可不細審也使當時非勘出油暈

必不疑爲廚下非執廚下人細訊必不知爲管
廚事出親臨上司稍一瞻徇而已之功名亦不
可問揚君其明且決哉

劉子湘

西江熊東美比部

有筠

言有劉渭者字子湘嘗

泛舟秦淮見一雛鬟憑闌凝睇弱不勝衣劉心
慕之高詠太白詩曰桃花帶雨濃聲未竟聞闌
畔微吟曰犬吠水聲中同舟無不撫掌大譁劉
色漸急命櫂舟而去又福徵者不知何許人寄
居袁浦一日劉過訪之茗椀清談詞鋒四出劉

與聯句五七言各數章自愧弗能及五言如劉
云常存千古志對云難慰五更心七言云桃花
帶雨渾如沐對云楊柳當風不自持皆勝出句
遠甚亦可謂善自寫照矣

忽雷非琴名

嘗見人書對云茶瀾大團月琴彈小忽雷攷洽
聞記鱗魚一名忽雷樂府雜錄文宗朝內庫琵琶
號大忽雷小忽雷又楚莊王琴名繞梁列子
韓娥歌音繞梁樂書繞梁樂器也與瑩篴相似
宋武帝大明中沈懷遠爲之懷遠亡其器亦絕

矣似繞梁亦非琴名

分碑

王望如

仕雲

康熙朝人著格言僅錄云高世則
墓碑美而且厚黃少保欲分其半爲神道碑高
有後裔見之曰公取石何太薄黃問故對曰恐
後有分公碑者嫌太薄耳少保慙沮望如曰高
公子拭冷眼淚作嬉笑語令少保不得不渾身
汗下然要是少保良心未泯耳

王忠勤家訓

漁洋山人之高祖忠勤公名重光號灤川登嘉

靖辛丑進士爲貴州參議以王事歿於黔贈太僕寺少卿家敎極嚴子六人皆貴顯其敎諸子家訓云所存者必皆道義之心非道義之心勿汝存也制之而已矣所行者皆道義之事非道義之事勿汝行也慎之而已矣所友者皆讀書之人非讀書之人勿汝友也遠之而已矣所言者皆讀書之言非讀書之言勿汝言也諾之而已矣簡要切當一掃陳言人人可作座右銘

碧聲館談塵卷二終





